



## Notat

Dato: 10.10.2014  
Arkivsak: 2014/2-64  
Saksbehandlar: adelan

---

**Til:** Hordaland fagskulestyre

---

**Frå:** Fylkesdirektør opplæring

---

### Meir bruksareal for Bergen tekniske fagskole

Hordaland fagskulestyre har etterspurt ei sak om meir bruksareal for Bergen tekniske fagskole. Sekretariatet for fagskulestyret må få kome tilbake med ei sak, men gjev her ei orientering om arbeidet med meir areal for Bergen tekniske fagskole.

Bergen tekniske fagskole har stort behov for meir areal. Årsaken til dette er at studenttalet ved skulen har auka mykje dei siste åra, spesielt ved nettilboda. Det er også uttrykt sterk misnøye blant studentane i høve til små klasserom og lite grupperom i årsmeldinga frå Bergen tekniske fagskole. Årsmeldinga vart handsama i Hordaland fagskulestyre 11. september. Bergen tekniske fagskole har også behov for meir areal til lab.

Av di den gamle sjømannskulen i Haugeveien ikkje er stor nok til både den tekniske og maritime fagskulen, og fordi det vart byggteknisk vanskeleg å gjere endringar i bygget, må fylkeskommunen arbeide vidare med andre moglegheiter for eitt felles bygg for skulane. Dette gjer at samanslåinga vert lengre fram i tid, og det er naudsynt å finna eigna lokale for Bergen tekniske fagskole fram til ei samanslåing.

Etter at Amalie Skram vidaregåande skule vart starta opp har det vore ledig areal i tidlegare Bjørgvin vidaregåande skule sine lokale. Årstad vidaregåande skule er i dag ansvarleg for dette bygget og har helse- og oppvekstavdelinga si der. Det er god plass i lokala ved Bjørgvin, og det har vore sett på moglegheita for at Bergen tekniske fagskole og Årstad vidaregåande skule kan fordela lokala mellom seg. Samtidig har Hordaland fylkeskommune no tatt over bygget i Haugeveien frå Statsbygg, og lokala står tomme. Det er difor no eit ønskje frå Bergen tekniske fagskole å flytte til Haugeveien med heile skulen i staden for sambruk med Årstad vidaregåande skule i Bjørgvin-bygget. Den gamle sjømannskulen i Haugeveien er stor nok til å romme heile Bergen tekniske fagskole med mindre justeringar. Bygget er ikkje heilt ideelt, men betrakteleg betre enn bygget skulen har i dag.

Det er sett av kroner 10 millionar i Hordaland fylkeskommune sitt budsjett til ei flytting og mindre byggtekniske endringar for Bergen tekniske fagskole. Opplæringsavdelinga vil saman med skulen og Eigedomsseksjonen i Hordaland fylkeskommune arbeide vidare med nye lokale for skulen.